

Antes Aruba tabata coba oro bao tera, pero Tica awe ta un oro riba tera



ORANJESTAD(AAN)- E expresion aki "Antes tabata coba oro for di bao tera, pero cu Tica, awe Aruba tin oro ariba tera", tabata un di expresionnan cu ayera a keda expresa despues di e bunita concierto cu Tica Giel a duna den Cas di Cultura. Un ovacion enorme el a haya pa su tremendo presentacion.

Den un sala bastante yen ayeranochi a tuma lugar e concierto di e soprano Arubano Tica Giel. Cu su tremendo voz y cu un dominio total di esaki el a tene e sala henter anochi den expectativa.

Cancionnan cu a rezona e anochi aki ta entre otro "The Messiah, Rejoice greatly, Alleluya, Ave Maria, Noel, La Mi sola, Laureola, Al Amor, Dos cantantes populares, La Boheme, Yorando, y e cancionnan di Padu del Caribe Nami un chens y For di dia mi a mirabo".

Un ovacion para a sigui na final di e presentacion di Tica Giel y tanto e como Jan Slothouwer cu a acompaña ariba piano a ricibi varios ramo di flor y felicitacion



pa e tremendo concierto.

Y manera cu e expresion mes a bisa cu cu Tica, Aruba awe tin oro ariba tera, pa duna un idea di con bunita Tica Giel ta canta y bale la pena pa mire un biaha mas.